

MODIFICACIÓN DA RESOLUCIÓN DO DEPARTAMENTO TERRITORIAL DE VIGO POLA QUE SE PUBLICA O LISTADO DE PERSOAS ASPIRANTES SELECCIONADAS NO PROCESO SELECTIVO PARA O ACCESO AO PERMISO DE EXPLOTACIÓN DE PERCEBE NA MODALIDADE A PÉ PARA O EXERCICIO DA ACTIVIDADE EXTRACTIVA NO ÁMBITO DA CONFRARÍA DA GUARDA, E SE ABRE O PRAZO PARA A PRESENTACIÓN DE DOCUMENTACIÓN

ANTECEDENTES

1. Mediante Resolución do Departamento Territorial de Vigo, do 17 de decembro do 2024 (corrección de erros do 20.12.2024), convócase un proceso selectivo para o acceso a seis (6) prazas de percebe, na modalidade a pé na confraría da Guarda. Ábrese un prazo de 15 días hábiles para presentación de solicitudes.
2. Mediante resolución do Departamento Territorial de Vigo, do 3 de febreiro de 2025, publícase a listaxe provisional de admitidos no proceso selectivo coa puntuación acadada. Non houbo solicitudes excluídas do proceso. Ábrese un prazo de 15 días hábiles para efectuar alegacións.
3. No prazo estipulado efectuáronse dúas alegacións, unha foi desestimada e outra foi estimada e modificouse a súa puntuación.
4. Mediante Resolución do Departamento Territorial da Consellería do Mar en Vigo do 5 de marzo de 2025 publícase a lista definitiva de persoas seleccionadas e a das persoas non seleccionadas. Esta última constitúe una lista de reserva. Ábrese un prazo de 15 días para que as persoas seleccionadas acheguen a documentación necesaria.
5. Unha vez finalizado o prazo de presentación de documentación, constátase que unha (1) das seis (6) persoas seleccionadas non presentou a documentación requirida.

CONSIDERACIÓNS LEGAIS E TÉCNICAS

1. Este Departamento Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.
2. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da resolución do departamento territorial.
3. O permiso de explotación foi outorgado a cinco (5) das seis (6) das persoas seleccionadas. Unha vez finalizado o prazo de presentación de documentación indicado na Resolución do Departamento Territorial de Vigo do 5 de marzo de 2025, una (1) das persoas seleccionadas non presentou a documentación necesaria, polo que de acordo co indicado nas bases da convocatoria, as persoas que, dentro do prazo fixado, non presentasen a documentación ou que, da revisión da mesma, se deducise que carecen dalgún dos requisitos sinalados, entenderase que desisten da súa solicitude. Neste suposto, emitírase unha nova resolución modificando esta, de



acordo aos prazos e forma recollidos nas bases da convocatoria, declarando seleccionada/s a/s persoa/s que figuren na lista de reserva pola desistencia das persoas que non presentaron a documentación ou carecen dos requisitos.

4. Correspóndelle a este Departamento Territorial ditar esta resolución de acordo co disposto no Decreto 245/2009 do 30 de abril, polo que se regulan as delegacións territoriais da Xunta de Galicia.

Á vista do exposto, este departamento territorial, en virtude das competencias atribuídas,

RESOLVE:

1. **Declarar desistida** da súa solicitude no proceso selectivo á seguinte persoa :

Apelidos e nome	D.N.I.
VICENTE RODRÍGUEZ, MARTIN	* * * 9017 * *

2. **Modificar** a lista definitiva das persoas seleccionadas e a lista de reserva para o acceso ao permiso de explotación de percebe na modalidade da pé para o exercicio da actividade extractiva no ámbito da Confraría da Guarda (ANEXO I). A lista de reserva que terá unha vixencia dun (1) ANO, contado desde o día seguinte ao da data desta resolución.

A persoa seleccionada disporá dun prazo de **quince (15) días hábiles**, contados a partir do día seguinte ao da publicación da presente resolución, para achegar a seguinte documentación ao Departamento Territorial da Consellería do Mar en Vigo, que figura na base 3.2 do Anexo A da convocatoria:

a) ***Certificado de estar empadroad/a** nun municipio do litoral de Galicia.

b) ***Certificado da Seguridade Social** de non ser perceptor de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.

** Non se precisará presentar esta documentación no caso de ter o consentimento expreso da persoa interesada para a consulta ao sistema de verificación de datos, dacordo co Decreto 255/2008, do 23 de outubro, e a Orde do 7 de xullo de 2009.*

No caso de ser perceptor/a da **renda de integración social de Galicia** deberá presentar **escrito de renuncia** á prestación que se fará efectiva no momento do outorgamento do permiso de explotación.

c) **Documentación que acredite non estar incapacitada/o para exercer os labores de marisqueo.**

4. De acordo co disposto no Decreto 425/1993, do 17 de decembro e a Orde do 30 de decembro de 2015, as persoas seleccionadas que presentaron a documentación dentro do prazo establecido, para o outorgamento do permiso de explotación deberán cumprir, ademais:



- a) Estar en posesión do **certificado profesional correspondente**. As persoas que estean en posesión da certificación profesional achegarán a documentación que así o acredite, agás no suposto de autorización expresa á Consellería do Mar para a consulta destes datos.
- b) **non ter sancións firmes** en vía administrativa en materia de protección de recursos mariños, pendentes de pagamento.
- c) **Non ser armador/a** dunha embarcación que teña algunha modalidade de **recursos específicos** no seu plan de explotación.
- d) **Non ter acreditación de tripulante habilitado para a explotación de percebe** nunha embarcación.

As persoas que, dentro do prazo fixado, non presentasen a documentación ou que, da revisión da mesma, se deducise que carecen dalgún dos requisitos sinalados, entenderase que desisten da súa solicitude. Neste suposto, emitirase unha nova resolución modificando esta, de acordo aos prazos e forma recollidos nos parágrafos anteriores, declarando seleccionada/s a/s persoa/s que figuren na lista de reserva pola desistencia das persoas que non presentaron a documentación ou carecen dos requisitos.

A directora territorial

María Elena Suárez Sarmiento



ANEXO I
**RELACIÓN DE PERSOAS SELECCIONADAS NO PROCESO PARA OBTEN O PERMISO DE
EXPLOTACIÓN ORDEADAS POR PUNTUACIÓN**

Nº	Apelidos e nome	D.N.I.	1	2.a	2.b	3.a	3.b	3.c	4	Total
1	CASTRO LOMBA, JORGE	* * * 9173 * *	0,00	0,00	0,00	0,00	0,00	0,04	2,00	2,04

PUNTUACIÓN (de conformidade coa resolución de convocatoria do proceso selectivo):

Apartado 1: por demandante de emprego

Apartado 2: por formación

Apartado 2.a: cursos incluídos no catálogo

Apartado 2.b: titulación académica

Apartado 3: experiencia profesional na extracción de recursos mariños:

Apartado 3.a: permex a pé de recursos específicos

Apartado 3.b: permex a pé de marisqueo xeral

Apartado 3.c: enroles

Apartado 4: por estar empadroadado/a nun concello do ámbito territorial da entidade titular do plan de xestión

**RELACIÓN DE PERSOAS NON SELECCIONADAS NO PROCESO PARA OBTEN O PERMISO DE
EXPLOTACIÓN ORDEADAS POR PUNTUACIÓN
LISTADO DE RESERVA**

Nº	Apelidos e nome	D.N.I.	1	2.a	2.b	3.a	3.b	3.c	4	Total
1	RODRIGUEZ PIMENTEL, PATRICK	* * * 6626 * *	0,00	0,00	0,25	0,00	0,00	0,00	0,00	0,25
2	RODRÍGUEZ NONIDE, MARIO	* * * 8175 * *	0,00	0,00	0,00	0,00	0,00	0,00	0,00	0,00

Nota: ocúltase parcialmente o número de DNI. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Persoais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

